

მგონი გარშემო მტრები დადიან,
ტკივილს ყოველთვის შველის წამალი.
ღამე გათავდა, განთიადია,
ეზოს კარებთან ყივის მამალი.

სკრიპკის ხმა გვიან შეწყდა გოდებით,
შუალამეა, ვკეტავ ამ კარებს.
შუალამეა მტერს ველოდები
და ჩემს ოთახში შიშით ვკანკალებ.

ლოქტომბერია და ოდნავ ცივა,
გაჰქრნენ ზაფხულის დღეთა გუნდები
ახლა საკუთარ ოთახში ვზივარ,
ახლა საკუთარ თავს ვუბრუნდები.

მგონი გარშემო მტრები დადიან,
ტკივილს ყოველთვის შველის წამალი.
ღამე გათავდა, განთიადია,
ეზოს კარებთან ყივის მამალი.